



Broj: 10-05-18481/17
Sarajevo, 20.06.2017. godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničku inicijativu

Zastupnik Goran Akšamija na 30. Radnoj sjednici Skupštine Kantona Sarajevo, održanoj dana 24.05.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, podnio je zastupničku inicijativu „**za priznavanje adekvatnog statusa diplomiranih medicinskih sestara/tehničara - grupa složenosti poslova VIII/2**“ :

U vezi sa podnesenom zastupničkom inicijativom dostavljamo slijedeći:

ODGOVOR

U vezi sa postavljenom zastupničkom inicijativom informišemo Vas da je preporuka Ministarstva zdravstva da se diplomirani zdravstveni kadar, odnosno diplomirane medicinske sestre/tehničari u zdravstvenom sistemu, tačnije zdravstvenim ustanovama raspoređuju na radna mjesta i radne zadatke u skladu sa važećim Pravilnicima o radu, unutrašnjoj organizaciji i sistematizaciji radnih mjesta. Ustanove prilikom donošenja Pravilnika o radu, unutrašnjoj organizaciji i sistematizaciji radnih mjesta dužne su tačno utvrditi radna mjesta, te definisati opis poslova i radnih zadataka za diplomirani zdravstveni kadar, a u skladu sa nivoom obrazovanja, odnosno stepenom stručne sprema. Takođe, ovo ministarstvo ima saznanja da u praksi ima slučajeva da medicinske sestre/tehničari raspoređeni na radna mjesta sa SSS, nakon završenog fakulteta podnose zahtjev za priznavanje VSS, smatrajući da je potrebno da im se isto prizna po automatizmu, što ovo ministarstvo ne može podržati obzirom da za svako radno mjesto mora biti propisan stepen stručne sprema i kvalifikacija. Dakle, preporuka ovog ministarstva je da se navedeni kadar adekvatno raspoređuje na radna mjesta u skladu sa potrebama, odnosno Pravilnicima o radu, unutrašnjoj organizaciji i sistematizaciji radnih mjesta i stručnim kvalifikacijama potrebnim za svako radno mjesto.

Mišljenja smo da je ovaj kadar neophodan u zdravstvenom sistemu, te da isti može doprinijeti pružanju kvalitetnije zdravstvene zaštite stanovništvu, s tim što se to mora urediti aktima zdravstvene ustanove. Takođe, preporuka ovog ministarstva je da zdravstvene ustanove treba da se pridržavaju odredbi Kolektivnog ugovora, kojim je između ostalih definisan i status diplomiranog zdravstvenog kadra.

